

本书出版得到国家古籍整理出版专项经费资助

清代吏治史料

线装书局

吏制改革史料
六

清代吏治史料



經筵講官少保兼太子太保保和殿大學士兼管吏部戶部尚書事加六級
臣張廷玉等謹

題爲敬陳管見仰請

睿鑒事該臣等議得刑部咨稱四川巡撫今陞工部尚書憲德以准部咨各省
直隸州承審命盜等事向例徑行解司者悉照陝甘二省之例令該管道
員照知府承審例限審轉倘有情罪未協該道即行就近駁訊以免往返
稽遲拖累等因遵照將直隸叙永同知雷波黃輝等衛事件亦請由道審
轉咨部在案但查川省地方遼濶似難與陝甘一例州治之離道治遠者
千餘里近者亦不下四五百里更有經過省城方抵道治之處由州解道
由道解司道路程途每多紆遠如川省永寧道駐劄直隸瀘州將該州案
件責該道審轉允爲就近此外川北道駐劄保寧府距省七百餘里其所
轄之潼州州綿州距省城俱不及三百里若由州城至保寧再由保寧至
省城計有一千餘里川東道駐劄重慶府與新改之直隸忠州未爲甚遠

但重慶在省城東南一千里其所轄之達州從北路直至省城亦不過千餘里若從南路繞至重慶再至省城計有一千八百餘里又松茂道駐劄茂州審轉茂州事件便易但茂州在省西北四百餘里其所轄之資州在省東南四百餘里若將資州人犯經過省城解至該道駐劄之茂州審轉往回計有一千二三百里建南道駐劄寧遠府在省城西南一千餘里其所轄之眉邛嘉定等州距省城不過二三百里若將各州人犯解至寧遠審轉往返不下二千餘里是川省各直隸惟瀘茂忠三州事件便於由道審轉其餘潼綿眉邛資達嘉定等州俱與道治相隔遙遠由道解司多有繞道兼之過地崇山路徑崎嶇若令案犯人等負帶枷鎖紆道往返更多未便又川省道員欽奉

諭旨每年於所屬地方巡歷一周一經出巡動需月日設遇審解事件更不免於守候稽延請將川省直隸州自理刑名命盜等案件循照舊例徑行解司審轉果能詳慎辦理亦可歸於妥協等因具題將原抄咨送吏部查議等因前來 查直隸州承審本州刑名命盜案件先經署陝西總督臣

部尚書劉於義奏稱陝西甘省直隸州自理案件請照知府承審之例歸該管道員就近審轉等因臣部議覆准行并令各省直隸州自理案件俱歸該管道員就近審轉一體遵行具題奉

旨依議欽遵在案原議端爲各省直隸州與道治相近因令該州自理案件俱歸該管道員就便審轉今據四川陞任巡撫憲德以川省直隸各州惟瀘茂忠三州事件便於由道審轉其餘潼綿眉邛資達嘉定等州俱於道治相隔遙遠由道解司多有繞道案犯人等紆道往回更多未便與就_近之議不符又川省道員欽奉

諭旨每年於所屬地方巡歷一週動需月日審解事件不免守候稽延請將川省直隸州自理案件循照舊例徑行解司審轉等語查川省之潼綿眉邛資達嘉定等州該撫既稱與道治相隔遙遠與就近議不符其瀘茂忠三州雖便於由道審轉而該道員週巡地方又不免有守候稽延之虞俱應如該撫所請將川省直隸州自理案件准其仍照舊例徑行解司并該撫嚴飭直隸各州將所理案件詳慎辦理解司如有情理未協該司即行改

正仍將該州舛錯遲延之處照例查叅再查川省之叙永廳雷波衛先經該撫咨請遵照直隸州之例責成該管永寧道核審庶爲畫一等因臣部咨覆准行在案今川省直隸州既議以仍照舊例解司不田該道審轉其叙永廳雷波衛應否仍由該道核審及是否就近審轉有無守候稽延之處應仍今該撫詳查妥議咨覆到日再議恭候

命下臣部遵奉施行臣等未敢擅便謹

題請

旨雍正十二年三月二十七日題二十九日奉

旨依議

吏部等部經筵講官少保兼太子太保保和殿大學士兼管吏部戶部尚書事
加六級臣張廷玉等謹

題
爲詳請捕巡等事該臣等會議得廣東巡撫楊永斌等疏稱興寧縣屬捕巡各
官官轄地方多寡不一未免有鞭長莫及之虞議將典史所轄北廂附近十三
都巡檢司之溪尾楊塘羅崗官庄凹下下藍甘村金坑坑黃坑尾寶龍雙下雙
頭洋湖田黃陂墟陶右塘天陽達甘磚共一十八堡割撥十三都司巡檢就近官
轄連原轄泰寧和興二堡共計二十堡又典史所轄南廂附近水口巡檢司之
郭坊雙頭毛公東隱石公湖坊黃洞合湖石崖官陂共十堡應割撥水口司巡
檢就近官轄連原轄上中下水洋洋凹井墩彭洞漆坑寧峯藍塘舡藍一十一
堡共二十一堡其餘環繞縣城之一百一十五堡均屬縣治適中之地仍歸典
史就近官轄遇有盜匪私宰私梟礦徒等項事發各照舊官堡分查叅庶就近
彈壓繁簡適均於地方實有裨益等因前來 查捕巡各官職司查緝所轄
地方必得繁簡適均各有專責庶於地方有益今該撫等既稱興寧縣屬捕巡

各官管轄地方多寡不一未免有鞭長莫及之虞請將典史所轄北廂附近十三都巡檢司之溪尾等一十八堡割撥十三都司巡檢就近管轄連原轄泰寧和興二堡共計二十堡又典史所轄南廂附近水口巡檢司之郭坊等十堡應割撥水口司巡檢管轄連原轄上中下水洋等一十一堡共二十一堡其餘一百一十五堡仍歸典史管轄遇有盜逃私宰私梟礦徒等項事發各照嵩管堡分查叅等語應如該撫等所請將興寧縣典史所轄北廂溪尾等十八堡准其歸於附近十三都司巡檢管轄併該巡檢原轄之泰寧和興二堡共管轄二十堡又典史所轄南廂郭坊等十堡亦准其歸於附近水口司巡檢管轄併該巡檢原轄之上中下水洋等一十一堡共管轄二十一堡其餘一百一十五堡仍令典史管轄如遇有盜逃私宰私梟礦徒等項事發各照嵩管堡分例查叅叅候

命下臣部等部遵奉施行臣等未敢擅便謹

題請

旨雍正十二年四月二十五日題本月二十七日奉

旨依議

吏部等部經筵講官少保兼太子太保保和殿大學士兼管吏部戶部尚書事
加六級臣張廷玉等謹

題
爲飭議添設運判以資經理以重鹺務事該臣等會議得廣東總督鄂彌達等
疏稱添設高廉運判有經管課餉錢糧之責必須防範周密方保無虞原議石
康地方固屬適中但無城郭帑項攸關理宜慎重今廉州府同知奉文移駐欽
州防城原居衙署即可改爲運判衙門無庸另造且府城距石康僅三十五里
呼應便捷於稽查高屬西省配兌緝私之處仍屬控制得宜不獨工料節省更
於慎重錢糧有益等語 查雍正十一年四月內臣部會覆該督等題爲飭
議添設運判等事一疏廣東合浦縣准其添設運判一員駐劄石康地方稽查
私販兼管東西兩省鹽務等因奉

旨依議欽遵在案今廉州府同知移駐欽州其原居衙署既距石康僅三十五里呼
應便捷應如該督等所請准其將廉州府同知原居衙署改爲運判衙門無庸
另造 又疏稱高廉兩府綿亘千里竈漏零星港汊叢雜額設衙役二十一

名催煎督餉水陸巡防實屬不敷支更解帑無人防範請比照同知通判之例添設民壯二十五名所需工食銀兩照例遇閏不支月小不扣每名每年給足銀六兩在於各屬解到司庫地丁銀內支給造入該年地丁省總冊內報銷等語亦應如該督所請將合浦縣添設通判准其照同知通判之例添設民壯二十五名所需工食照例遇閏不支月小不扣每名每年給工食銀六兩在於各屬解司地丁銀內動支造入該年地丁奏銷冊內具題核銷可也恭候
命下臣部等部遵奉施行臣等未敢擅便謹

題請

旨雍正十二年四月二十五日題本月二十七日奉

旨依議

總督廣東等處地方軍務兼理報餉兵部右侍郎兼都察院右副都御史加四級紀錄十五次駐劄肇慶府臣鄧彌達謹

題

爲要地需員彈壓等事竊照羅定州屬西寧一縣僻處山陬幅隕遼濶其間萬山迴抱谿徑多岐或峭嶺危岑人跡素所罕到或深峒窈窕奸匪易于潛藏查其最爲要緊者一曰懷鄉地處衝途懸谷幽崖且與獨峒相接離縣三百餘里一日夜護該地與廣西岑溪界壤接連七山六十九山爲獫狁出入要路離縣亦遠均屬僻險之區須得專員彈壓稽查方無貽誤其懷鄉地方昔年曾設懷鄉司巡檢一員裁汰之後議歸典史官轄因典史有監獄之責不能駐劄其地復將都城司巡檢移駐彈壓其都城司所管地方又令典史兼轄地方遼濶而責守未專遇有地方緊要事件皆得彼此歧視深爲未便臣等詳察該縣甚近縣令得以就近查察應請將都城巡檢司裁汰即將現駐懷鄉之都城司巡檢改復懷鄉司巡檢以附近懷鄉之信豐等三都畧地方撥與改復懷鄉司巡檢官轄查緝俾得兩名核實以專責成至夜護地方亦應請添設夜護司巡檢一

員駐劄彈壓將附近夜護之從善等三都峒地方撥與添設巡檢專管令其嚴行保甲稽查奸匪宣講

上諭化導鄉愚其都城司巡檢既裁所有都城司原管之都峒併附近縣城之建康等共一十五都峒歸併典史就近管轄遇有失事各照所管地方分別查叅又查嘉應州平遠縣屬之壩頭地方依山帶水僻處遐隅距城寫遠且爲江西水旱通衢一切汀贛引鹽及江廣商販貨物俱于此處匯集船戶脚夫往來絡繹向無文員駐劄察緝乏員專理匪類易于潛藏併請添設壩頭司巡檢一員駐劄其地將壩頭等七鄉分與添設巡檢就近管轄協同現駐汛弁互相巡緝拏匪類嚴行保甲宣講

上諭化導愚頑一切夫舡舖店以及賭博私販逃拐等項悉令該巡檢稽查遇有失事照管轄地方叅處如此則要地各有專員彈壓于地方實有裨益行據布政使甘汝來會同按察使張渠轉據各該州縣查議詳覆無異理合據詳

題請如蒙

俞允其添設西寧縣夜護司巡檢平遠縣壩頭司巡檢請

敕部照例銓選併請鑄給西寧縣夜護巡檢司印信平遠縣壩頭巡檢司印信及換
鑄西寧縣懷鄉巡檢司印信以昭信守至添設各巡檢胥役應照經制額數添
設所需夜護司官俸役食即將該縣奉裁懷鄉司額編經費銀兩照例支給其
應支壩頭司官役俸食照依額編數目于各屬備支經費餘剩群司充餉銀兩
給領又添設巡檢各衙署所需工料銀兩均請動支正項俟部覆飭行確估另
請撥給建造合併聲明臣謹合詞具

題伏乞

皇上睿鑒敕部議覆施行謹會

題請

旨雍正十二年三月十七日題四月二十七日奉

旨該部議奏

吏部等部經選講官少保兼太子太保保和殿大學士兼管吏部戶部尚書事
加六級臣張廷玉等謹

題為請改設府縣以肅責成以裨吏治事該臣等會議得江南總督趙弘恩等疏
稱淮安府邳睢靈壁河務同知宿虹河務同知宿遷運河通判係管理邳睢宿
等州縣河道工程駐劄該州縣地方今該州縣既歸徐州府轄則該同知通判
亦應改歸徐州府統轄其宿遷運和河通判閘防內有淮安府字樣應另換分
管宿遷運河通判閘防又徐州原有夏鎮揚庄珠梅參閘係在沛縣境內銅山
相距寫遠今閘座與現在閘員亦應歸于沛縣就近管理再邳州緝捕河務州
同知關報端唯要缺今邳睢宿三州縣既隸徐州設有鹽捕通州判毋庸再令該
州同督緝仍應改為管河州同查屬中缺仍聽總河題補等語 應如該督
等所請淮安府邳睢靈壁河務同知宿虹河務同知宿遷運河通判俱准其改
歸徐州府統轄其淮安府宿遷運河通判閘防俟

命下之日照該督等所據字樣移咨禮部換給至徐州原設夏鎮揚庄珠梅參閘

官應准其於沛縣就近管理邳州緝捕河務州同准其改為管河州同以中缺
註冊毋庸兼管緝捕事務仍听總河題補 又疏稱徐州府李與銅山縣李
各半分隸外歲科兩試入李名數以及廩增貢額之處查徐州府李與銅山縣
李總屬舊日之徐州似不便泥空加增額數其所轄之各州縣又各自有舊額
各自本籍李內肄業亦不便無端撥入府李致有舍近就遠之苦又不便于各
州縣額外加增名數撥入府李是府李之入李名數亦止應于銅山縣照舊額
取進將一半撥入府李其武童舊額取進十五名今應府李八名縣李七名至
廩增貢額亦照舊各半埃補再查徐州府暨新設通判經歷儒學銅山縣各衙
門吏役請照各府屬經制額數一例設立辦公等語查會典內府李取進童生
二十名廩增各四十名一年一貢等語今徐州府州為府徐轄豐沛蕭陽等七
州縣外又新設銅山一縣與一邑分為兩縣者不同若如該督所奏將入李名
數及廩增貢額徐州府與銅山縣兩李各半均分埃補是有等于是縣殊非府李
之體統且于會典內所開府李之定例不將不便准行再查府李取進童生原
在所屬各州縣內考取撥入並非在新設之縣分外增添臣等酌議應將徐州

府李與徐銅山縣入孝名數及額增貢額俱照雍正十年五月內直隸總督劉於義題請天津改州為府設孝之例徐州府李應照例取進文童生二十名即于所屬各州縣童生內考取撥入武童二十名廩增各額設四十名應于乙卯年科考為始將優等生員挨次幫補至出貢之虞恐新設之孝廩額未能一時補足請俟十二年后廩額漸次補足時照府李例一軍一貢其銅山縣李考取童生額數于原徐州孝二十名額內減去五名寔取進文童十五名武童十五名廩增各額設二十名于現在徐州孝之廩增各三十名內該孝政酌量年分深淺各存留二十名其廩生照縣李例二年一貢其餘廩增各十名俱酌改徐州府李其徐州府暨新設通判經歷儒學銅山縣各衙門吏攢應如該督所請徐州府衙門除直隸徐州旧有典吏外再准其添設典吏十名通判衙門准其設更典四名經歷儒學衙門准其各設立攢典一名銅山縣衙門准其設立典吏十二名召募之日取具該吏年貌着役日期清冊送部查核恭候

命下臣部等部遵奉施行臣等未敢擅便謹
題請

盲依議
宣統二年七月十四日題本月十六日奉